



Suåvtummuš da suåvådvuõtt

Pispp Jukka Keskitalo e'jjpei'vvtiõrv'vuõd 2026

Tåt e'jjpei'vv lij Oulu gäärdest jiiijâsnallšem tøn diõtt, ko Oulu seä'brrkåå'dd po'htte Euroopp kulttuurvui'vvgåradee'jj prograamm vue'ssen *Via Crucis* -uu'lec-čuä'jtee'lm Oulu jäärnaķpåkka. *Via Crucis* – riist čuåggas – lij tuål'jõž Kristõõzz mue'ķķčuõkku čuåvvai e'jjpei'vvčuä'jtelm. Tøn leät čuä'jtam Kõskk-Euroopp gäärdin ju'n kõskkåäi'j rää'jest. Tõt lij õhtt maai'lm jäänmõsån čuä'jtum draamain.

Via Crucis -čuä'jtee'lm to'lķķummsen lij, što vuässõõttjest lij vuei'ttemvuõtt piæssåd šõddmõõžži kō'sķķe vuei'nn'jen da ķiõččlõ'sttjen. Strääšnaineä'ttel šõddmõõžži vue'ssen da määimõsån mie'ldd meer kō'sķķe tuõdšted *Ri'sttenau'lle!* -čuårvaid. Näkam mie'ldd jååttmõš cåunn määngaid tååbdaid da tobddjid.

Golgata riist å'lnn Vuåspå'd suåvti muårrjam õhttvuõd oummu da Vuåspåå'd kōõskåst. Vuåspå'd šõõddi Isõõzzåst Kristõõzzåst maailma, muõkkšõõvi ooumžen ooumažvuõd too'sķid da kuõ'ddi ooumažkåå'dd rie'ķķ, što mee'st le'čče ka'jjõs da piæssmõš määust alggveårlaš jie'llma Vuåspåå'd õhttvuõdåst.

Sää'nn suåvtõs õhttan sanna suåvådvuõtt, da sää'n lie åålta nuu'bbee. Kuhttu tåin saa'nin ko'lle suåppmõ'sše. Kriistlaš teologia lij čõõd aai'ji smiõttåm tån õhttvuõd tåi saa'ni kōõskåst. Må'htt suåvtõs viiggçi še suåvådvuõ'tte oummui kōõsk da meera kōõskåst. Maai'lm da tåt åi'ğğ še kai'bbje tøn.

Ko vääin tollmiår puåll Å'lddnuõrttjest, Ukrainast da månggan jee'res maai'lm sâå'jest, lie suåvådvuõd peå'lest mainsteei ooccanj. Mi'jjid kuuitåg kååččat suåvådvuõd raajjåd, juõ'ķķka sâå'jstes. Suåvådvuõd tuejjummuš ij tåujja leåkku hiålpp. Muđoi ve't maai'lmest jie le'čče vääin da činglõs risttreeid oummui kōõskåst. E'jjpei'vvčuä'jtee'lm õhtt ķiõččlåsttmõõžžin, kåå'tt årstått jäänmõsån, sått-i lee'd tõt, må'htt jiõčč še čuežž mie'ldd tøn meerjooukåst, možåt joba mie'ldd čuårvmen: *Ri'sttenau'lle!*

Lij hiålpp vuei'nned veårlašvuõd nuu'bb oummu a'rddji å'lnn. Se'rdded ķicstõõgg jiiijås vâågglašvuõdåst da čå'jjummšest nuu'bb oummu måinnan. Jiånnai vaiggååb lij ķiõččåd jiõccses veårnas naa'lin da vuei'nned, što lij jiõčč še mie'ldd tun ooumažkåå'dd laauljooukåst, kåå'tt viårat reå'ķķtuejeei jiiijås võõ'jji da jeå'd diõtt. Vuåspå'd årmm da rää'ķķesvuõtt Isõõzzåst Kristõõzzåst åå'vee mi'jjid kuuitåg tõõzz-i vuei'ttemvuõd. Vuåspå'd muõkkšååvv jiõčč mij neu'rrvuõd diõtt, leåša ķeårdd tøn da suåvat mi'jjid jiiijines.

Tuåivtam Tu'nne blouslõvvum e'jjpei'vvpõõ'zzid.

Jukka Keskitalo
Oulu aa'rhelkåå'dd pispp